

ԳՐԱՆՈՍՏՈՒԹՅՈՒՆ ԵՎ ԲՐՈՒԹՅՈՒՆ

ԿԱՐՈ ՂԱՖԱԴԱՐՅԱՆ — «ՀՈՎՀԱՆՆԱՎԱՆՔԸ ԵՎ ՆՐԱ ԱՐՁԱՆԱԳՐՈՒԹՅՈՒՆՆԵՐԸ»¹

Մեր պատմական հուշարձանները կարևոր աղբյուրներ են հանդիսանում հայ ժողովրդի պատմության, արվեստի ու ճարտարապետության ուսումնասիրման համար: Այդ տեսակետից պատմական զիտությունների թեկնածու Կարո Ղաֆադարյանը շնորհակալ դործ է կատարել, ձեռնարկելով հրատարակել պրոնկներին մի շարք, որոնց մեջ ներկայացվելու են մեր պատմության մի քանի խոշոր հուշարձանները՝ Սաղմոսավանքը, Հաղպատը, Սանահինը, Սորանաշատը, Մակարավանքը, Տեղերը, Նոր-Վարադավանքը և այլն: Այդ շարքի հուշարձանների առաջին հրատարակությունն է «Հովհաննավանքը և նրա արձանագրությունները»:

Մեր պատմազիտությունը վաղուց արդեն հայտնի էր Հովհաննավանքի, բայց մինչև այժմ նա մասնազիտորեն ոչ ոքի կողմից չէր ուսումնասիրվել: Նույնիսկ նրա կառուցվածքի չափազանցությունները և արձանագրությունների մեծ մասը չէր հրատարակվել:

Կ. Ղաֆադարյանի «Հովհաննավանքը և նրա արձանագրությունները», աշխատությունը բաժանված է երկու մասի: Առաջին մասը վերնագրված է «Հովհաննավանքի ճարտարապետական կառուցվածքները», իսկ երկրորդը՝ «Հովհաննավանքի վիմական արձանագրությունները»:

Առաջին մասում հեղինակը նկարագրում և բանասիրական քննության է ենթարկում Հովհաննավանքի ճարտարապետական կառուցվածքները: Նա Հովհաննավանքը համարում է հայոց միջնադարյան նշանավոր վանքերից մեկը, որը գտնվում է պատմական Արագածոտն գավառում, Կարբի գյուղից մեկ կիլոմետր դեպի հարավ-արևելք, Կասախ գետի կիրճի բերանին, համանուն գյուղի մեջ: Հովհաննա-

վանքը ունի երկու եկեղեցի, մեկը միանեֆ լադիլիկ թաղածածկ շինություն է, իսկ մյուսը՝ դմբեթավոր մի մեծ զանիճ է, որն իր արևմտյան կողմում ունի ընդարձակ ժամատուն: Վանքը շրջապատված է ընդարձակ պարսպով:

Ճաճարի ճարտարապետական ձևերի և հայ ինչ մատենագրերի հաղորդած փաստերի ուսումնասիրության հիման վրա հեղինակը համաձայնում է ճարտարապետ Թորոս Թորամանյանի հետ, որ Հովհաննավանքի եկեղեցիների մեջ հնագույնը լադիլիկ տաճարն է և կառուցված է քրիստոնեական ճարտարապետության զարգացման առաջին շրջանում, այսինքն 4-րդ կամ 5-րդ դարերում: Այնուհետև հեղինակը առարկելով Թորամանյանին, որ Հովհաննավանքի քաղցիլիկ տաճարն իր սկզբնական վիճակում թաղակապ կամ կամարածածկ է եղել, շահամանորեն ապացուցում է, որ նա սկզբում եղել է փայտածածկ, իսկ 5-րդ դարի երկրորդ կեսին կամ 6-րդ դարում փոխվել է թաղակապ ծածկի և այդ վիճակում պահպանվել է մինչև նրա հիմնական վերանորոգման ենթարկվելը, այսինքն մինչև 17-րդ դարի կեսերը:

Հետագայում լադիլիկ տաճարը հիմնական վերանորոգման է ենթարկվել 1731 թվին՝ Աբրահամ կաթողիկոս Թրակեցու (Կրետացու) ժամանակ, իսկ վերջին մասնակի վերանորոգումը կատարվել է Հայկական ՍՍՌ Պատմական հուշարձանների Պահպանության կոմիտեի կողմից, 1946 թվին:

Ուսումնասիրության առաջին մասի երկրորդ ենթադրույթը նվիրված է լադիլիկ տաճարի հարավային կողմում շինված Կաթողիկե եկեղեցուն: Մեծ կամ Կաթողիկե եկեղեցու կառուցումը սկսվել է 1215 կամ 1216 թվին և ավարտվել է 1221 թվին: Մեծ եկեղեցու ավարտման թիվը Ջաքարիա Սարկավազը (17-րդ դարի պատմիչ) սխալմամբ համարել է 1217 թվի: Սակայն հեղինակը եկեղեցու զիտավոր մուտքի ձևակալի որմնակամարի վրա փորագրված վիմական արձանա-

¹ Կարո Ղաֆադարյան — «Հովհաննավանքը և նրա արձանագրությունները», Հայկական ՍՍՌ Գիտությունների Ակադեմիայի հրատարակություն, Երևան, 1948 թ., էջ 121:

գրութեամբ աշտում է Ջաքարիայի սխալը: «Գաթոգիկե եկեղեցին» գրում է հեղինակը, — իր շինարարութեան օրվանից մինչև 1652 թվականը ոչ մի փոփոխութեան չի ենթարկվել... մինչև 1652 թվականը, մոտ 430 տարի, այդ եկեղեցու սկզբնական շինութեանը կարողացել է զիմանալ առանց նորոգութեան: 1652 թվին վանքի առաջնորդ Ջաքարիա Վաղարշապատցին նորոգում է տաճարը: 1669 թվի երկրաշարժի ժամանակ քանդվել է եկեղեցու զմբեթի վերին մասը և այն վերանորոգվել է 1682 թվին վանքի առաջնորդ Սարգիս Կարբեցու օրոք:

Մինչև 9. Էաֆաղարյանի սույն աշխատութեան յուստիստենելը մեր գրականութեան մեջ ճշգրիտ կարծիք չկար Հովհաննավանքի կաթողիկե եկեղեցու կառուցողի մասին: Ջաքարիան կաթողիկե եկեղեցու շինութեանը վերագրում է Վաչուտանց Վաչե իշխանին: Զաքարիայի այդ սխալը հետադարձ կրկնել են բոլոր ուսումնասիրողները: Հեղինակն ընթերցելով եկեղեցու վրա եղած վիմական արձանագրութեանը, ճշտում է, որ կաթողիկե եկեղեցու շինութեան նախաձեռնողը եղել է Աստվածատուր Վանահայրը, որին մեծ չափով օժանդակել է Վաչե իշխանը և ուրիշները:

Երրորդ ենթադրութիւնը վերաբերում է կաթողիկե եկեղեցու ժամատանը, որի շինութեանը սկսված է 1217 կամ 1248 թվին և ավարտվել է 1250 թվին: Ժամատունն առաջին անգամ մասնակի վերանորոգման է ենթարկվել 17-րդ դարում, իսկ վերջին վերանորոգումը կատարվել է Հնութեանների Պահպանութեան կոմիտեի կողմից:

Չորրորդ և հինգերորդ ենթադրութեանը նվիրված են ժամատան հյուսիսափողման կից շինութեանը և վանքի մյուս շինութեաններին, որոնք շինված են 12 և 13-րդ դարերում: Այս ենթադրութեանը նկարագրված են վանքի պարիսպները և ցույց է տրված նորանց շինութեան ժամանակը՝ այն է 1190-ական թվականներին կամ 13-րդ դարի սկզբին:

Աշխատութեան առաջին մասի վերջին ենթադրութիւնը վերաբերում է Հովհաննավանքի պատմութեան մեջ: Այս ենթադրութեանը հեղինակը աշխատել է շարադրել Հովհաննավանքի համառոտ պատմութեանը 5-րդ դարից մինչև 18-րդ դարը ներառյալ ենթադրութիւնը վերջում հեղինակը տվել է 6 կետից բաղկացած իր եզրակացութեանները, որոնց մասին մենք կխոսենք վերջում:

Աշխատութեան երկրորդ մասում հրատարակված են Հովհաննավանքի 80 վիմական արձանագրութեանները որոնցից մինչև այդ հրատարակված են եղել 25-ը Ն. Շախաթու-

նյանցի, Ղ. Ալիշանի, Կ. Կոստանյանցի կողմից, իսկ մնացած 55-ը առաջին անգամ հրատարակում է հեղինակը: Արձանագրութեանները պատկանում են 11—18-րդ դարերին, մեծագույն մասը 13-րդ դարից է:

Հրատարակված բոլոր վիմական արձանագրութեաններն ունեն շինարարական, նվիրատվութեան և երկրի սեփական կարգադրութեանների բովանդակութեան, որոնք կարևորագույններ են մեր երկրի անցյալի ներքին կյանքի ուսումնասիրութեան համար:

Հեղինակն իր սույն աշխատութեան առաջին մասի վերջին ենթադրութեանը վերաբերելով Հովհաննավանքի պատմութեան մեջ, ճիշտ նպատակ է դրել իր առաջ՝ տալ ոչ միայն Հովհաննավանքի ճարտարապետական պատմութեան իր նկարագրական մանրամասնութեաններով, բնագործակերպի վերաբերյալ վանքի շինութեանների վրա եղած վիմական արձանագրութեանները, որոնք մեծ արժեք ունեն իրենց ժամանակի հայրական և ճարտարապետական հարցերի պարզարանման համար, այլև ալ վանքի մասնակցութեանը՝ երկրում կատարվող քաղաքական ու հասարակական կյանքին:

Մակայն այդ տեսակետից հեղինակը իր նպատակին չի հասել:

Հեղինակը հիմնականում կանգ է առել այն հարցի վրա, թե 5-րդ դարից մինչև 18-րդ դարը վանքի շինական առաջնորդներ է ունեցել, աշխատել է ճշտել նրանց առաջնորդութեան տարիթվերը, ցույց տալ, թե նրանցից յուրաքանչյուրի առաջնորդութեան շրջանում վանքում ինչ շինութեաններ կամ վերանորոգումներ են կատարվել, վանքն ինչպիսի նվիրատվութեաններ է ստացել և որոշ չափով էլ նկարագրել է վանքի կուլտուրական գործունեութեանը:

Մեր այս ասածն ավելի պարզ ցույց տալու համար բերենք մի ընդարձակ քաղվածք: «20 Իանադրութեան թղթից Ջաքարիային ծանոթ է Միքայել Վանահայրը, որի գործը և ճիշտ ժամանակը դարձյալ անհայտ է:

21. Այդ նույն, անհայտների շարքին են պատկանում Գրիգոր վարդապետ Կարբեցին (1370 թվին), հայր Մատթեոսը, որ ծանոթ է մի հիշատակարանից (1593 թ.), Սա ժամատան մեջ կանգնեցրած է եղել մի խաչքար: 1599 թվին մի ավիտարանի հիշատակարանից ծանոթ է Տեղերի, Վժանի և Հովհաննավանքի առաջնորդ Ղուկաս վանահայրը: 1616 թվին պատկանող մի ճաշոցի հիշատակարանում հիշվում է Սեթենց Հովասափ վանահայրը, որ բնիկ Հովհաննավանքի է: 1629 թվին հիշատակվում է Հովհաննես Կարբեցի եպիսկո-

սլոսը, որին Գայլ մականունն և՛ տվել է Սրան քաղամթիվ անգամներ հիշում է Զաքարիան իր սլատմության մեջ և նշում, որ սա հմուտ սլատմադիր է եղել և այլն:

«22. Ընդարձակ կինսագրական տեղեկություններ ունենք Հովհաննավանքի նշանավոր առաջնորդ Զաքարիա Վաղարշասլատցու մասին, որը ծնված սկսեց է լինի 17-րդ դարի առաջին թվերին, հավանաբար 1603 կամ 1604 թվին...» (էջ 54):

Համարյա նույն ձևով շարադրելով ամբողջ ենթագլուխը հեղինակը ոչ մի հիշատակություն չի անում, թե Հովհաննավանքը, որի վանականների թիվը երբեմն (17-րդ դարում) հասնում էր 60—70-ի, ինչպիսի մասնակցություն է ունեցել երկրում կատարվող ժամանակի քաղաքական ու հասարակական կյանքին: Հետևաբար, ամենևին հիմնավորված չէ հեղինակի այն հավաստիացումը, թե «...Հովհաննավանքը հանդես է դալիս իբրև կարևոր կենտրոն, որ մեծ կշիռ է ունեցել ժամանակի դավանաբանական վեճերի, ինչպես նաև Հայաստանի քաղաքական հարցերում» (էջ 56):

Հիշյալ ենթագլուխը շարադրելիս հեղինակը դրականությունից և վիճական արձանագրություններից մի շարք փաստեր է բերում, որ Հովհաննավանքը հայ կալվածատերերից ու իշխաններից մեծ քանակությամբ կալվածքներ է ստացել որպես նվիրատվություն: Ահա այն անհրաժեշտ էր կոնկրետ փաստերով ցույց տալ, որ Հովհաննավանքը որպես խոշոր կալվածատեր աշխարհիկ կալվա-

ծատերերի ու իշխանների փոխադարձ օգնությամբ դարեր շարունակ անլուր շահագործման է ենթարկել հայ աշխատավոր գյուղա-յիությանը:

Այնուհետև աշխատության հեղինակը որոշ անճշտություններ է կատարել սլատմական փաստերի նկատմամբ: Հեղինակն իր եղբակացությունների մեջ դրում է. «Հովհաննավանքն իր ծաղկման բարձր աստիճանին է հասնում 17-րդ դարում, երբ ընդհանուր առմամբ հայ հասարակական կյանքը խոշոր վերելք էր ապրում» (էջ 56): Այդ ընդհանրացումը խիստ չափազանցություն է: Հայտնի է, որ 17-րդ դարի սկզբից Շահ-Աբրահամ արշավանքներով վերսկսվում են թուրք-պարսկական արյունահեղ պատերազմները, որոնք շարունակվում են մինչև 1639 թվը: Այդ պատերազմների ընթացքում հայ ժողովրդին սպառնում է ֆիզիկական բնաջնջում, հաբյուր հաղարավոր հայեր տեղահան են արվում և քրչվում են հայրենի հողից, ավերվում է ժողովրդական տնտեսությունն ու կուլտուրան:

17-րդ դարի այսպիսի իրադարձությունների մեջ ինչ խոսք կարող է լինել «ընդհանուր առմամբ հայ հասարակական կյանքի խոշոր վերելքի» մասին:

Վերոհիշյալ թերությունները չեն նսեմացնում աշխատության արժեքը, բայց ցանկալի է, որ հեղինակն այս կարգի թերություններից դերժ լինի իր ձեռնարկած մյուս սլատմական խոշոր հուշարձանների ուսումնասիրության և հրատարակության ընթացքում:

Ա. ՄԻՐՋՈՅԱՆ